



ҚР ПРЕЗИДЕНТИ “АТАМЕКЕН” МТП ПРЕЗИДИУМИ РАИСИ ТИМУР ҚУЛИБАЕВНИ ҚАБУЛ ҚИЛДИ.

Учрашувда Давлат раҳбарига бизнес шўъбасининг аҳволи, маҳаллий тадбиркорликнинг муаммолари, шунингдек, Миллий тадбиркорлар палатасининг ушбу соҳадаги ишлари натижалари ҳақида маълумот берилди.

Шунингдек, мамлакатимизда агросаноат мажмуасининг ривожланиши, фермерлар ва қишлоқ хўжалиги товар ишлаб чиқарувчиларига молия айланмасининг зарурияти, иқтисодиётнинг бошқа шўъбаларига маблағнинг тақсимланиши ҳақида баёнот берилди.

ҚАСИМ-ЖҰМАРТ ТҰҚАЕВ ҲУКУМАТНИНГ КЕНГАЙТИРИЛГАН МАЖЛИСИНИ ҲАҚИДА ҲИСОБОТ БЕРАДИ.

2020 йил 24 январь, жума куни Ҳукумат уйида Президент Қасим-Жумарт Тўқаев раислигида Ҳукумат мажлиси ўтди. Унда Ҳукумат мамлакатимизни 2019 йилда ижтимоий-иқтисодий тараққиёти натижалари ҳақида ҳисобот беради. Шунингдек, Давлат раҳбари Ҳукуматга мамлакатни ривожлантиришнинг асосий йўналишлари бўйича берган топшириқларининг қандай бажарилаётгани таҳлил қилинади.

ПРЕЗИДЕНТ ФАРМОНИ

М. Д. Айтеновни Шимкент шаҳри ҳокими этиб тайинлаш тўғрисида

Мурат Дуйсенбекули Айтенов Шимкент шаҳри ҳокими этиб тайинлансин.

Қ. ТҰҚАЕВ, Қозоғистон Республикаси Президенти.

Нур-Султан, Ақўрда, 2020 йил 21 январь.



Мурат Дуйсенбекули 1981 йил 30 октябрда Жанубий Қозоғистон вилоятининг Жетисай шаҳрида дунёга келди. 2004 йили С. М. Штеменко номидаги Краснодар ҳарбий институтини тугатган. 2011 йили

Қарағанди иқтисодий университетининг юридик факультетини битирган. Меҳнат фаолиятини 2004 йили Астана шаҳрида ҚР Мудофаа вазирлиги қошидаги махсус алоқа бўлимида бошлаган. 2010-2013 йиллари ҚР Президенти Иш бошқармасининг расмий тадбирлар ҳамда ташқи алоқалар бўлими мудирининг ўринбосари, мудирини, 2013-2016 йиллари ҚР Президенти Иш бошқармасининг девон раҳбари лавозимида ишлади. 2017-2019 йиллари ҚР Президенти Иш бошқарувчисининг ўринбосари, 2019 йили декабрдан буён Шимкент шаҳри ҳокимининг биринчи ўринбосари бўлган.

ВИЛОЯТ АҲОЛИСИ ДИҚҚАТИГА!



2020 йил 14 февраль куни соат 11.00да Туркистон шаҳридаги Х. А. Яссавий номидаги ХҚТУнинг Маданият саройида Туркистон вилояти ҳокими Ҳ. Шўкеев 2019 йилда амалга оширилган ишлар бўйича аҳоли олдида ҳисобот беради.

Шунга кўра, савол ва фикр-мулоҳазаларингизни ёзма равишда вилоят, туман, шаҳар ҳамда қишлоқ округлари ҳокимликлари биноларида ўрнатилган қутилларга солиш, электрон шаклда Туркистон вилояти ҳокимининг жамоат қабули саҳифасига (@Omirezak.Shokeev), t.akimat@ontustik.gov.kz электрон почтасига ёки 8702 198 53 23 рақамига «WhatsApp» орқали йўллашингиз мумкин.

Шунингдек, саволлар, фикр-мулоҳазаларингизни вилоят ҳокими девонининг 8(72533) 5-98-90, 5-92-40 телефон рақамларига қўнғироқ қилиб ёки почта манзилига ёзиб юбориш мумкинлигини ҳам маълум қиламиз.



Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади
2020 йил 23 январь, пайшанба. №7 (2782).

АБАЙ ТҰЙИ БОШЛАНДИ 175



Буюк қозоқ шоири ва мутафаккири Абай Қунанбайули таваллудининг 175 йиллиги очилишига бағишланган “Қозоқ халқи – Абай халқи” тадбирида Давлат раҳбари Қасим-Жумарт Тўқаев ва Қозоғистоннинг Тўнғич Президенти – Элбоши Нурсултан Назарбаев иштирок этиб, мамлакатимизнинг барча минтақалари ҳамда хориж давлатларида йил давомида ўтадиган тадбирларни расмий турда бошлаб беришди.

Тадбирни Маданият ва спорт вазирининг Ақтўти Райимкулова очиб, Абай йилининг аҳамиятига тўхтади.

– Биз Абайнинг тўйига жамият онгини янгилайдиган жуда муҳим тадбир сифатида улкан аҳамият берамиз. Абай мероси – янги Қозоғистоннинг янада гуллаб-яшнашига йўл очадиган бебаҳо қадрият. Буюк мутафаккирнинг васиятига доим содиқ қолсак, кучли мамлакат

сифатида ривожланамиз. Абай тўйи – Элбошимиз бошлаган “Маънавий янгиликлар” дастурининг муҳим бир қисми. Тўнғич Президентимизнинг бугунги улкан тадбирда қатнашиши бутун Абай меросини тарғиб қилишга алоҳида туртки бериши аниқ. Халқимизнинг бўй-тумори – Абайнинг ибратини келажак авлод онига сингдириш – барчамизнинг бурчимиз. Шунинг учун миллати-

мизни улуғлайдиган бундай эзгу тадбирга ҳамжиҳатлик билан киришайлик, – деди вазир.

Тадбирнинг расмий қисми концерт дастурига уланиб кетди. Саҳна тўрига кўтарилган қозоқ санъати арбоблари Абай оламининг сирларини санъат тилида етказишди. Театрлаштирилган саҳна кўринишлари, куй ва кўшиқлардан иборат тадбирда буюк оқиннинг ижоди ёрқин намоён бўлди. Саккиз бўлимдан иборат кечада драма театри, опера ва балет, анъанавий ва лирик мусиқа бир-бирини тўлдириб, саҳнада ажойиб кўриниш кашф этди.

Akorda.kz

ТУРКИСТОНГА 1,5 МЛН. САЙЁҲ ТАШРИФ БУЮРДИ

Ўтган йили Х. А. Яссавий мақбарасига келган меҳмонлар сони 1,5 млн. ни ташкил этди. Бу кўрсаткични 2025 йилга бориб 5 млн.га етказиш режага киритилган. Бунинг Туркистон вилояти ҳокими ўринбосари М. Мирзалиев маълум қилди.

У туризм соҳасининг асосий индикаторлари аввалги йилларга нисбатан ўсаётганини айтди.

– 2019 йилнинг 11 ойида меҳмон-

хона ва ресторанларга жалб этилган инвестиция ҳажми 13 млрд. тенгени ташкил этиб, республикада энг яхши училиқ кирдик. Туркистон-Ўтрор йўналишидаги тарихий-маданий, Сариоғоч курорти ҳудудида даволаш-соғломлаштириш, Тулкибош, Тўлебий туманларида экологик туризм турлари жадал ривожланиб бормоқда, – деди вилоят ҳокимининг ўринбосари.

(Давоми 2-бетда.)

АБАЙ НОМИ БАРҲАЁТ

Буюк файласуф ва қозоқ ёзма адабиёти асосчиси, маърифатпарвар шоир Абай Қунанбаев рус, араб, форс тилларини мукамал билган.

Абай ижодининг муҳим қирраларидан бири – ёш шоирларни тарбиялаш бўлди. У ёшларга доимо ҳомийлик қилди.

Абайдан 300га яқин шеърий асар ва дostonлар этиб келган. Унинг ижодида халқни илм-маърифатга, инсонийликка, ҳалолликка, севги-садоқатга, муҳаббатга даъват этиш ғоялари асосий ўрин эгаллаган.

Оқиннинг ижодида муҳаббатсиз, дўстликсиз ҳаёт бўлмайди, деган фикр илгари сурилади.

Мухтасар қилиб айтганда, Абай қозоқ адабиёти ва қозоқ тилига асос солган аллома. Унинг шеъру дostonлари, насрий асарлари, таржималари қозоқ халқининг миллий-маънавий ифтихори бўлиб қолади. Зеро, у халқларни дўстлик ва биродарликка, ҳамжиҳатликка даъват этди, тинчлик ва осойишталикни, меҳр-муҳаббатни улуғлади.

Мусирали ТҰҒИСОВ,
Шимкент шаҳар
маслаҳати депутати.

ҒАМХҲҲРЛИКНИ КЎЗЛАГАН ДАСТУР

Туркистон вилояти ҳокими Ўмирзақ Шўкеев топшириғига биноан янги дастур пайдо бўлди. Буни вилоят ҳокимининг матбуот хизмати хабар қилди.

“Ғамхўрлик” минтақавий дастури ҳудудда яшаётган ёрдамга муҳтож кишиларга кўмак бўлади. У давлат ёрдамидан ташқари алоҳида амалга оширилади. Турмуш қийинчиликларига дучор бўлган оилаларга ҳар томонлама ғамхўрлик кўрсатиш орқали,

комиссия ташкил этилади. Унинг таркибига қишлоқ оқсоқоллари ва маҳаллий фаоллар ҳам кириди. Мазкур тадбирда ҳомийлар ҳам қатнашади. Мажлисда вилоят раҳбари кўмакга муҳтож кишиларни аниқлаб, бундай оилалар билан шахсан учрашишни таъ-

ка бюджети ҳисобидан 1,6 млрд. тенге маблағ ажратилган. 3та коллеж ишонч бошқарувига беради. Мактаб ўқувчилари сони йил сайин 20 мингга ортиб бормоқда. Шунга биноан қатор туманларда янги таълим масканларини қуриш



уларнинг қашшоқлик доирасидан чиқишига имконият яратилади. Улар билан туман, шаҳар ҳокимлари бевосита иш олиб боришади.

Эҳтиёжманд фуқароларга маҳаллий бюджетдан мамлакатимизда белгиланган яшаш минимуми ҳажмидаги маблағ ажратилиб, оиласининг меҳнатга лаёқатли аъзоси ишга жалб этилади. Уларни аниқлаш учун махсус

кидлади.

Мажлисда “Педагог мақоми тўғрисидаги” Қонун лойиҳаси, вилоятнинг таълим соҳасидаги қатор масалалари муҳокама қилинди. Минтақада 8та туманда истеъдодли болаларга мўлжалланган мактаблар очиш масаласи ҳал этилмоқда. 5та коллеж “Ёш мутахассис” лойиҳасига киритилиб, уларни асосий ўқув қуроллари билан таъминлашга республи-

масаласи долзарб. Шунингдек, мактабларда қўшимча билим бериш мақсадида спорт тўғрақлари ва “Ўқувчилар саройи”лари очилади.

Минтақа раҳбари барча туманларнинг ҳокимларига таълим соҳасига эътибор бериб, муҳим масалаларни ечишни топширди.

“Жанубий Қозоғистон”
мухбири.

КУЛТЎБЕ ҚАЛЪАСИ ЮНЕСКО ЭЪТИБОРИДА

Туркистон шаҳрида Бутундунё мероси соҳасидаги халқаро тадқиқотчилар иштирокида давра суҳбати уюштирилди.

Унда Хожа Аҳмад Яссавий мақбараси атрофидаги тарихий-маданий ёдгорликларни муҳофаза қилиш ва таништиришга доир асосий масалалар муҳокама қилинди. Култўбе шаҳарчасининг ҳар бир ёдгорлигини консервациялаш ва асл ҳолига келтириш ҳамда илмий-текширишга алоҳида эътибор қаратилиб, олимлар мазкур иншоотларнинг келажақда археологик паркка негиз бўлишига ишонч билдиришди.

Лойиҳанинг илмий етакчиси Андрей Хазбулатов тадқиқотчилар

эътиборига Култўбе шаҳарчаси лойиҳаси бўйича режаларини ҳавола қилди. Халқаро тадқиқотчилар ҳамжамияти лойиҳанинг таҳлил гуруҳи аъзоси, таниқли меъмор, Ўзбекистондаги реставрациялаш илмий-лоийҳалаш институти ходими Владимир Артемьев тавсия қилган лойиҳаларни муҳокама қилдилар.

Илмий ходимнинг фикрича, Култўбе шаҳарчаси фақат Қозоғистон учунгина аҳамиятли эмас. У қадимги Ясси шаҳрининг бир қисми бўлганлиги учун ЮНЕСКО вакиллари консервация ва асл ҳолига келтириш масаласига чуқур ёндашдилар.

Култўбе шаҳарчаси бўйича илмий ишлар натижалари ва архео-

логик ишлар, келгуси режалар халқаро тадқиқотчиларнинг ижобий баҳосига сазовор бўлди.

Таъкидлаш жоизки, “Култўбе шаҳарчаси” очиқ осмон остидаги музей-паркинни қуриш учун Қозоқ илмий-тадқиқот маданият институти Eurasian Resources Groupнинг молиявий қўллови билан иш олиб бормоқда. Зеро, қалъадаги илмий изланишлар натижалари Бокудаги Бутундунё мероси қўмитасининг мажлисида, Парижда ва Туркистондаги ЮНЕСКОнинг штаб-квартирасида муҳокама қилинган эди.

Вилоят ҳокимининг
матбуот хизмати.

ТУРКИСТОНГА 1,5 МЛН. САЙЁҲ ТАШРИФ БУЮРДИ

(Давоми. Боши 1-бетда).

Вилоятда жами 168та меҳмонхона, 51та касалхона, 60та дам олиш маскани хизмат кўрсатади. Экологик, тарихий-туризм йўналишида 57

та сайёҳлик йўналиш ҳозирланган. Шунингдек, Туркистон шаҳрида меҳмонхоналарни халқаро талабларга мувофиқлаштириб, таъмирдан ўтказилмоқда.

– Бугунги кунда Туркистонда

туристларга тўлиқ маълумот берадиган “Ташриф маркази”, “Буюк Ипак йўлининг миллий аънавий хунармандчилик маркази”, халқаро аэропорт, “Яссавий музейи” ва бошқа иншоотлар қурилиши юритилмоқда, – деди ҳоким муовини.

Вилоят минтақавий
коммуникациялар хизмати.

ЎТГАН ЙИЛ МУВАФФАҚИЯТЛИ ЯКУНЛАНДИ

Аввал хабар берганимиздек, Минтақавий коммуникациялар хизматида вилоят ҳокимининг ўринбосари М. Мирзалиев минтақадаги тадбиркорлик, сармоялар ва экспорт, туризм, табиатни муҳофаза қилиш соҳалари бўйича 2019 йилда бажарилган ишлар якунига бағишланган матбуот анжуманини ўтказди.

Брифингга у ўтган йили эришилган натижаларга тўхталди. Чунончи, саноат маҳсулотлари ҳажми 500 млрд. тенгега етган, шундан 245 млрд. тенгеси ишлаб чиқариш соҳасига тегишли. Бундай муваффақиятлар озиқ-овқат саноати, енгил, кимё саноати, машинасозлик, фармацевтика каби тармоқларда ҳам кузатилади.

Журналистлар билан учрашувда вилоятдаги сармоянинг ўсиш суръати республика бўйича 14 ўриндан 2-ўринга кўтарилгани алоҳида таъкидланди.

– 2019 йилда қайта ишлаш саноати тармоғига жалб этилган сармоя миқдори 20,8 млрд. тенгени ташкил этди. Илк бор 2019-2024 йилларга мўлжалланган Туркистон вилоят сармоявий лойиҳалар рўйхати тузилди. Унга умумий қиймати 3,4 трлн. тенгелик 374та лойиҳа киритилди. Улардан 50таси муваффақиятли амалга оширилди, – деди ҳоким ўринбосари.

Вилоятимизда 141992та кичик ва ўрта тадбиркорлик субъекти фаолият юритади. Уларнинг иқтисодий кўрсаткичлари яхши бўлгани учун йил натижаларига кўра вилоят республикада иккинчи ўринга лойиқ топилди.

Нотиқ туризм соҳасидаги ишларни ҳам сарҳисоб қилди. Хусусан, Яссавий мақбарасига келиб-кетувчи зиёратчилар сони 1,5 млн. одамни ташкил этган. 2025 йилда ушбу кўрсаткични 5 млн.га етказиш вазифаси кўндаланг бўлиб турибди. Бунинг учун Туркистон шаҳрининг қиёфасини янгилаб, саёҳатчилар учун зарур шарт-шароитларни яратиш – долзарб вазифа.

ТАДБИРКОРЛАРГА ИМТИЁЗЛИ НАСИЯЛАР

Туркистон вилоятида 141992 та кичик ва ўрта тадбиркорлик субъекти фаолият юритади. Бу ўтган йилга нисбатан 108,6 фоиз кўп. Ушбу кўрсаткич билан минтақамиз республикада II ўринга чиқди. Буни вилоят ҳокими ўринбосари Мейржан Мирзалиев маълум қилди.

Унинг сўзларига кўра, кичик ва ўрта тадбиркорлик субъектлари 450 млн. тенгелик маҳсулот ишлаб чиқарган. Бу ўтган йил билан таққолаганда 133 фоизни ташкил этиб, Туркистон вилояти республикада I ўринга кўтарилди.

– Тадбиркорликни молиялаштириш учун 2019 йилда 74,6 млрд. тенге кўзланиб, шу маблағ доирасида 5 мингдан зиёд кичик ва ўрта тадбиркорлик лойиҳалари ҳамда 42 мингга яқин қишлоқ хўжалиги товар ишлаб чиқарувчилари молиялаштирилди, – деди вилоят ҳокими ўринбосари.

Шунингдек, “Ғамхўр”, “Ёш тадбиркор” ҳамда “Тадбиркор аёл” дастурлари доирасида 1 фоиз устама ҳақ билан тадбиркорларга молиявий кўмак кўрсатилди. Шу жумладан, Арис шаҳри бўйича 320 млн. тенгега 86та лойиҳа молиялаштирилиб, аҳолининг турмуш фаровонлигини ошириш юзасидан самарали ишлар бажарилди.

ВИЛОЯТИМИЗ ПЕШҚАДАМ

Журналистлар билан ўтган брифингга вилоят ҳокимининг ўринбосари М. Мирзалиев тадбиркорлик борасида бажарилган ишларга ҳам кенг тўхталди.

– 2019 йилда тадбиркорликни қўллаб-қувватлаш борасида самарали ва залворли ишларни амалга оширдик. Чунончи, Индустриявий-инновациявий ривожланиш дастури доирасида тадбиркорлик соҳасига 22 млрд. тенге ажратилиб, 800та иш жойи барпо этилишига эришдик. 2020 йилда 20та лойиҳани ишга туширишни кўзламоқдамиз.

Шунингдек, “оддий буюмлар иқтисодиёти” соҳасида товар-буюмлар харидини маҳаллий ишлаб чиқарувчилар таъминоти ҳисобидан тўлдиришга ҳам катта эътибор берилди. Хусусан, енгил саноат маҳсулотлари – 60, жиҳоз – 62, қурилиш ашёлари – 67, озиқ-овқат – 85 фоизга бажарилиб, сўнгги йўналиш бўйича Туркистон вилояти республикада биринчи ўринга кўтарилди, – деди М. Мирзалиев.

Вилоят минтақавий
коммуникациялар хизмати.

ҚОРАЧИҚ ҚЎШИҒИ

Қирқ қопқали Қорачиқ,
Ҳар қопқасин қараб чиқ.
Ишлари хўп саришта,
Ҳеч бир айби йўқ ишда.

Ёғочлари Иқондан,
Усталари Қўқондан.
Ҳар эшикни очиб қўй,
Мушк-анбардан сочиб қўй.

Келаяпти совчилар,
Гўзалларга овчилар.
Йигитларга йўқ, деманг,
Ошиқлар қаддин эгманг.

Қиз сақлама, туз сақла,
Донолар сўзин оқла.
Янгрисин, карнай-сурнай,
Сайраётган булбулдай.

Униб-ўссин икки ёш,
Порласин, кўқда қуёш.
Ҳайсинлар ёш-қари,
Муборак этиб бари.

ҚАДАМЕТСИН

Қадам етди, бало етмасин,
Қалбимиздан имон кетмасин.
Дўстлигимиз абадий бўлсин,
Орамиздан шайтон ўтмасин.

Шайтон йўли жаҳаннам йўли,
Олов пурқар сахро-ю чўли.
Ким шайтондан йироқ юрса гар,
Ҳар дам баланд келади қўли.

Кимга керак қайғу ва алам,
Қайғу билан кўкармас олам.
Кўрсат муслим устунлигини,
Муҳаммадга уммат эй, одам.

Кибр-ҳавони ҳайда танадан,
Воз кечмагин ота-онадан.
Иблис билан оғайни бўлиб,
Ажраб қолма Роббим Худодан.

Эрназар РЎЗИМАТОВ,
Қозоғистон Ёзувчилар уюшмаси аъзоси.

«Қарноғим» шеъри қарноқлик Хусан Сади-
ров қаламига мансуб, қишлоқнинг 2000 йил-
лик юбилеи арафасида ёзилган. Истеъдодли
хонанда Қаҳрамон Бухорбоев томонидан қў-
шиқ қилиб қуйланган.

ҚАРНОҒИМ

Қадим юртим, азим юртимдир маним,
Она юртим, улуғ, буюк шу замин.
Шу Ватанда гўзал ўлка – чаманим,
Тенгсиз макон, азиз ошён, Қарноғим.

Нақорат:

Ғуруримсан, шарафимсан ҳам шоним,
Сен-ла бахтим, гўзал юртим, Қарноғим,
Тошиб куйлай, жўшиб куйлай мадҳингни,
Чин фарзандман, сенга дилдаги борим.

Ўтмишинга – мозийларга бўйлаймиз,
Кўз тегмасин, қараб сенга тўймаймиз,
Довруғинг зўр, келажакинг ўйлаймиз,
Номинг сира тилдан, дилдан қўймаймиз.

Азалдан зўр маърифатнинг зиёси,
Илму китоб чин бойлиги – дунёси.
Олим, фозил, уламолар даҳоси,
Аслида ҳам йўқдир тенги, қиёси.

Дошқозонинг мудом сенинг фаҳрингдир,
Одилдайн ўғлонларинг бахтингдир.
Маърифатли ўтмишингдир ардоғим,
Тарихингда юксак шараф тахтингдир.

Фидойиман, ҳеч бузмайман аҳдимни,
Бу кун қутлай таваллудинг – тўйингни.
Доим баланд бўлсин бахту иқболинг,
Халқинг кўрсин мудом зафур-забтингни.

Хусан САДИРОВ,
Қарноқ қишлоғи.

Улангар ОЖ



ЖУРНАЛИСТЛАР ЗАМОНАВИЙЛАШУВ ЖАРАЁНИДА

Нур-Султан шаҳрида Қозоғистон халқи Ассамблеяси (ҚХА)нинг «ОАВ ва Ижтимоий тотувлик» IV халқаро медиа форуми ўз мулоқот майдонида этножурналистика соҳаси фаоллари, жамоатчилик, этнобирлашмалар вакиллари, халқаро таҳлилчилар, депутатлар, амалдорлар ва фаол ёшларни тўплади.

Анъанавий тадбирда, одатда, маҳаллий ва хорижий медиа таҳлилчилари маҳорат сабоқларини ўтказишда, ҚХАнинг катта-кичик тадбирларини акс эттирувчи фотокўргазма («2019 йилда ҚХАнинг ёрқин лавҳалари») меҳмонлар эътиборига ҳавола этилади, «Шаңырақ» (ҚХАнинг журналистика соҳасидаги ижодий танлови) ғолиблари тақдирланади, мавзуга оид қизиқарли ва сермазмун маърузалар янграйди.

Ушбу форум Ассамблеянинг Тўнғич Президент ва Мустақиллик кунларига бағишланган тадбирлари туркумини очиб берди.

Ва ўз ишени Л. Н. Гумилёв номидаги ЕМУнинг журналистика факультетидан бошлади. Бу ерда минтақавий давлат коммунал корхоналарининг матбуот хизмати котиблари ва талаба ёшлар учун маҳорат сабоқлари ўтказилди. Тадбирда журналистика факультети декани Сақ Қайрат модераторлик қилди. Йиғилганлар республикада таниқли журналистлар Даулетбек Байтурсинули ва Саят Қамшигер маърузаларини тинглашди.

– Бугунги кунда журналист бўлиш учун 4-5 йил ўқиш шарт эмас, дейдиганлар сони кўпайди. Айниқса, блогер ва ижтимоий тармоқ фаоллари ўртасида кенг тарқалган фикр бу. Лекин соҳа тадқиқотчилари буни инкор этади. Сабаби, журналистика, бу – истеъдод, санъат. У халқ билан ҳокимият ўртасидаги кўприк. Ҳам халққа, ҳам давлатга хизмат қилиш учун аввало, ёзиш, фикрлай олиш қобилияти зарур. Билим ота-онадан, устозлардан олинади. Лекин қолган билим-тажрибани, масалан қишлоқ хўжалиги ёки иқтисодий, диний, маданий билимни китобдан, ҳаётий тажрибадан, тинмай изланиш туфайли ўзлаштириш мумкин. Шунинг учун ҳам чин журналистика мунтазам ўқиб-ўрганиладиган касб. Кимда ким ўқишдан, изланишдан

тўхтаса, демек унинг ўйлаш тизими ҳам тўхтайдми. Журналист эса бошқалар тафаккурига таъсир кўрсатадиган, жамиятда ижтимоий онгни шакллантирадиган мутахассис, – дейишди нотиклар.

Медиафорумни ҚХА Раисининг ўринбосари, ҚХА Котибияти мудирини Ж. Туймебаев очди.

– Мамлакатимизда турли миллат ва элат вакиллари ўртасида бирлик ва дўстлик муҳитини барпо этишда маҳаллий оммавий ахборот воситаларининг роли катта. Ижтимоий тотувлик – Қозоғистоннинг табиий турмуш тарзига айланган. ОАВ эса унинг асосий захираларини тарқатувчи омилдир. Ижтимоий сўровлар натижаларига кўра, респондентларнинг 97 фоизи ўзини Қозоғистон ягона халқининг вакили деб ҳисоблайди, – деди Жансеит Туймебаев.



Туркиядан таклиф этилган меҳмон, «Онже Ватан» газетаси Ахборот бўлимининг муҳаррири Кемал Салли(суратда), «ХАБАР» агентлиги бошқаруви раиси Ерлан Бекхўжин, Озарбайжон Боку славян университети профессори, филология фанлари доктори Нурида Наврўзова(суратда), «Қозахборот» халқаро ахборот агентлигининг бош директори Асқар Ўмаров, Қорақалпоғистон давлат университети профессори Шамшет Абдиназимовнинг чиқишлари ҳам таъсирли бўлди.

– 58 йил журналистика соҳасида



ишлаб, рақамли асрнинг барча имкониятларидан фойдаланишни ўзлаштирадим. Бу – давр талаби. Бугунги кунда ҳатто халқаро сиёсатни ҳам ижтимоий тармоқлар орқали амалга оширишмоқда. Замонавий дунёда журналистика маъноси тубдан ўзгарди. Ахборий агентликлар ва тузилмалар кўпинча «ҳиссиётни ифодаловчи воситалар» сифатида фаолият юртишмоқда. Улар аксари ҳолларда жамоатчиликни хабардор этишгина эмас, балки унга тўғридан-тўғри таъсир кўрсатадиган бўлишди, деди туркиялик муҳаррир.

Нурида Наврўзова оммавий ахборот воситалари инсон тафаккурига кучли таъсир эта оладиган қуролга айлангани, унинг ёрдамида ёвуз кучлар миллий, диний, сиёсий зиддиятлар келтириб чиқараётганига тўхталди. У журналистларни бузғунчиликка эмас, балки бунёдкорликка, ҳамжиҳатликка чақирди.

Модератор, «KazakhTV» телеканали директори Майя Бекбаева бугунги интернет дунёсида фаолият юритаётган ОАВ, фуқаролик журналистикага оид фикрларини билдирса, таниқли журналист Руслан Идрисов Ливандаги қонли тўқнашувлар ва уларда тинчлик тарафдори бўлиб хизмат қилаётган қозоғистонлик аскарлар ҳаётидан суратга олинган фильми билан таништирди.

Анжуман сўнгида «Шаңырақ» танлови ғолиблари тақдирланди. Ғолибларга танлов рамзи, шунингдек, пул сертификатлари топширилди. Шунингдек, Туркия, Ўзбекистон, Озарбайжондан келган меҳмонларга «Бирлик» медаллари тақдим этилди.

Н. МАВЛОНОВА.



ЯНГИ АЛИФБО ҚАНДАЙ ТАКОМИЛЛАШТИРИЛМОҚДА?

2018 йил 20 февралда Қозоғистоннинг Тўнғич Президенти Н. Назарбаев янги қозоқ алифбоси лотинча вариантни тасдиқлаган, унда ҳарфлар устига чиқиқчалар қўйилган эди. Ў,И,Й,Ғ,Ҳ,Ө,Ү, У каби ҳарфларнинг лотинча шакли ўзгартирилиб, шунингдек, диграфлар (sh, ch) ҳам киритилган эди. Ўтган йили 21 октябрда Қозоғистон Президенти Қ. Тўқаев лотин ёзувидаги қозоқ алифбосини такомиллаштириш ғоясини илгари сурди. Президент алифбода камчиликлар борлигини қайд этди. Масалан, катта ҳарф билан ёзиладиган қозоқ тилидаги I ҳамда И ҳарфлари ўртасидаги тушунмовчилик. Лотин ёзувида бу иккала ҳарф бир хил белги билан ифодаланмоқда.

Бундан ташқари тилшунос мутахассисларнинг айтишларича, танланган лотинча вариантни қозоғистонликлар унча қўллаб-қувватлашмаяпти. Шу сабабли, ёшлар ўртасида сўровномалар уюштирилиб, улардан ўз гаджетларида лотинча матин қандай териш бўйича маълумотлар олинмоқда. Шунингдек, пойтахтдаги битта мактаб ўқувчилари, Гумилёв номидаги ЕМУ магистрантлари ҳамда республика ўқитувчиларига алифбонинг турли вариантлари муҳокамаси учун ҳавола этилмоқда. Алифбонинг энг сўнгги варианты ҳар томонлама таҳлил қилиб кўрилгандан сўнгина расман қабул қилинади. Ҳозир тилшунос олимларга қўйилаётган асосий вазифа – қозоқ лотинчасини фуқаролар учун осон ва қулай қилишдир.

ЛОТИНЧАНИНГ САККИЗТА ВАРИАНТИ

Президент Қ. Тўқаев Қозоғистондаги лотин алифбосига масъул “Тил-Қазына” миллий илмий-амалий марказига алифбони мукамаллаштириш топширигини бергандан буён бутун Қозоғистондан 20дан ортиқ вариант келиб тушган.

Улар орасидан саккизтаси танлаб олинди. Алифбога янгича тус беришни хоҳловчиларнинг аксарияти қозоқ алифбосини имкон қадар инглизчага яқинлаштиришни истади.

Ваҳоланки, бу ҳол, яъни халқаро фонетика ҳар доим ҳам миллий тилларнинг ўзига хос хусусиятларини ифода қила олмайди, деб ҳисоблашади тадқиқотчилар.

Бугунги кунда жаҳонда 52та алифбо мавжуд бўлса, шундан 36 фоизи лотин ёзувида, 18 фоизи – хитойча, 11 фоизи – арабча. Лекин, шунга қарамадан, ҳар бир мамлакат ўз алифболарини бир-биридан фарқлаб туриш учун қўшимча белгиларни қўллашади. Шу боисдан қозоқ алифбоси ҳам инглизчанин тўлиқ кўчирмасига айланиб, 26та белгидан иборат бўла олмайди.

Сабаби, қозоқ тилининг ўзига хослиги мавжуд. Бундан ташқари, Озарбайжон, Ўзбекистон, Туркия каби туркий мамлакатларда ҳам ўз тилларининг ўзига хослигини англатиб турадиган қўшимча белгилардан фойдаланилади.

Бундай қўшимча белгилар тилларнинг ўзига хос хусусиятларини сақлаб қолиш учун керак. Ва бугунги кунда халқаро фонетика алифбосида 52та асосий тил бўлса, қўшимча 107та белги ҳам бор.

Марказга тақдим этилган саккизта вариантнинг тўрттаси, яъни тўрт муаллиф ўз ишларида 26та белгидан фойдаланмоқда. Муаллифлар ўзига хос

Маълумки, Нур-Султан шаҳрида жойлашган “Тил-Қазына” миллий илмий-амалий маркази миллий алифбони такомиллаштириш ишлари билан шуғулланади.

Яқинда ушбу марказнинг ижровий директори Е. Тлешов ОАВ вакилларини сўнгги янгиликлардан бохабар этди.

БУ ИШДА ШОШИШ ЯРАМАЙДИ

товушга эга қозоқ ҳарфларини алоҳида қоидалар асосида ифодалашни тавсия этишмоқда.

Марказ раҳбарияти эса, бу ишга унчалик рўйхўшлик бермаяпти. Чунки, қозоқ тилида ўн минглаб сўзлар мавжуд, ҳар бирига алоҳида қоида ёзиладиган бўлса, бу жуда катта вақт ва харажатни талаб қилади. Мамлакат раҳбарияти эса тилдан фойдаланишда энгиллик ва қулайлик ғоясини илгари сурмоқда.

Қозоқ тилининг инглиз тилидан фарқи шундаки, сўз қандай айтилса, худди шундай тартибда ёзилади. Лотинчадан келиб чиққан роман гуруҳига мавжуд тилларда эса айрим сўзлар талаффузда бошқа, ёзувда бошқадир.

ЛОТИНЧАГА ЎТИШ – УМУМХАЛҚ ИШИ

Шуни таъкидлаш жоизки, мазкур умумхалқ ишида нафақат тилшунос-филологлар, балки математиклар, муҳандислар, физиклар, ИТ-мутахассислари ҳам қатнашмоқда.

Улар янги алифбонинг янги нусхасига ҳисса қўшиш мақсадидан тинмай меҳнат қилишмоқда.

Айтганча, совет даврида туркий мамлакатлар учун ягона алифбони татиқ этиш тажрибаси санаб кўрилган. Бу алифбода 34та белги бор эди. Уни Озарбайжон ва Ўзбекистон қабул қилган, лекин икки йилча фойдаланиб кўрган, ундан воз кечган. Сабаби, туркий тилларнинг бир-бирларига ўхшаш жиҳатлари кўп бўлгани билан, барибир фарқли томонлари ҳам етарли.

Марказга тақдим этилган яна бир алифбо нусхасида иккита ҳарфдан иборат ёзув белгиси, яъни тўртта диграфдан фойдаланиб, Ц ҳарфидан бутунлай воз кечиш ҳақида гап боради. Бу вариант қўлланишда яна қатор муаммоларни туғдириши турган гап, дейишмоқда мутахассислар.

Яна бир лойиҳада саккизта диграфдан фойдаланиш тавсия этилади. Таҳлилчиларнинг фикрича, бу ҳам унча тўғри келмайди.

Яна бир қозоғистонлик олим 35та белгидан иборат алифбони тақдим этиб, талаффузда эшитиладиган барча товушларни ёзишга ундайди. Бу ўз навбатида қозоқ тилидаги сўзларнинг ҳаддан ташқари узун бўлиб кетиши ҳамда ҳар бир ўзига хос ҳарф ўрнида иккитадан белги ишлатишга олиб келади. Масалан, қозоқча “су” – “суы”, “ит” – “иит” деб ёзилиши керак.

ЭНДИ ҚАНДАЙ ИШЛАР ҚИЛИНАДИ?

Қозоғистон учун янги грамматик луғат керак, деб ҳисобламоқда марказ раҳбарияти. Сабаби, сўнги луғат 1983 йилда қабул қилинган бўлиб, ушбу вақт мобайнида тилга қанчадан-қанча янги сўзлар кириб келди ва улар расмий луғатда акс этмаган.

Булар фуқаролар ўртасидаги турли тушунмовчиликларга сабаб бўлмоқда. Янги алифбо қабул қилинган, мазкур муаммо ҳам барҳам топади, кейин 30 йил ичида давлат тилига кириб қолган барча янги сўзлар ҳам янги луғатга киритилади.

Зеро, қозоқ тили 95та расмий тил қаторига киради ва юқори мақомга эга, чунки унда ўн миллиондан зиёд одам гаплашади. Шунинг учун ҳам, олимларнинг фикрича, лотинчага ўтиш сифатли, шошма-шошарликсиз амалга оширилиши керак.

Н. МАВЛОНОВА тайёрлади.

• Бугун – Ҳуснихат куни

ДАСТХАТИНГИЗ ЧИРОЙЛИМИ?

Бутун дунё бўйича Ҳуснихат кунини нишонланишининг сабаби, барчамизга ҳар бир инсоннинг ҳуснихат ноёблигини, уни амалиётда қўллаб туриш кераклиги ва ҳар бир инсон бетақдор дастхат эгаси эканлигини эслатиш. Бу байрамнинг ташаббускори Ёзув ашёларини ишлаб чиқариш Ассоциацияси.

23 январь санаси танланганининг сабаби – бу кун америкалик давлат арбоби – Жон Хэнкок (1737-1793) туғилган бўлиб, у Мустақиллик Декларациясининг тагига биринчи бўлиб ўз имзосини қўйган.



Қўлёзма хат тарихи минг йиллардан бери ривожланмоқда. Уйғониш даврининг буюк италиян тафаккурлари ва Аристотель ҳам инсоннинг дунёқараши ва дастхати ўртасида боғлиқлик борлиги ҳақида ўз фикрларини билдиришган. Шу асосда ҳозирги кунда ҳуснихат ва шахснинг руҳий ҳолати ўртасидаги боғлиқликни ўрганиш бўйича илмий ишлар олиб борилмоқда.

Замонавий олимлар ҳуснихатнинг 7та асосий хусусиятини аниқлашган. Улар асосида инсоннинг қиёфасини тасаввур қилиш мумкин. Булар ҳарфларнинг ўлчами, унинг қиялиги ва шакли, ёзув тезлиги, хат йўналиши, сўзнинг ёзилиш табиати, ёзувга берилган умумий баҳо. Ҳуснихат хусусиятлари ва инсон табиати жиҳатлари ўртасида, албатта, боғлиқлик бор, деб тахмин қиладилар графологлар, чунки инсон мияси ёзаётган қўлни бошқаради. Инсоннинг ёши улғайганда ва феъли ўзгарганда ҳуснихат ҳам ўзгаришини олимлар изохлаб беришган.

Маълумки, криминалистлар учун ҳам ёзув муҳим курол ҳисобланади. Ёзувшунос экспертларнинг мақсади – бирор бир ҳужжатнинг аслигини аниқлашдир. Ҳужжатнинг илмий экспертизаси бўйича мутахассислар ҳуснихат турли йўналишларини мукамал билишлари керак. Шахсни тўғри аниқлаш учун мутахассислар ҳуснихатнинг барча хусусиятларини ўрганадилар. Олимлар томонидан уларнинг инсон феъли билан боғлиқлиги бўйича илмий ишлар янада ривожлантирилади.

Компьютер технологиялари ривожланиб, қўл ёзувига ўрин қолмаётгандек, назаримизда.

Лекин ҳали ҳаётимизда шундай вазиятлар бўладик, ўзимизнинг бетақдор дастхатимиз билан қалб сўзларимизни изҳор эта оламиз.

ҲАЁТНИНГ 13 ҚОИДАСИ:

- Агарда кўнғироқ қилишга ваъда берган бўлсангиз, албатта, кўнғироқ қилинг.
- Кечикияписми? Унда огоҳлантириб қўйиш йўлини топинг.
- Ҳаётдан завқланишни ўрганинг.
- Ота-онангиз билан кўпроқ вақт ўтказишга ҳаракат қилинг. Чунки сиз хоҳлаган вақтда улар бўлмади қолишлари мумкин.
- Мулоим бўлишга ҳаракат қилинг. Мулоимлик-қалблар калити.
- Нолиш одамингизни ташланг. Нолийдиган одамлар ҳеч кимга ёқмайдилар.
- Бировни ҳеч қачон ҳақоратланг. Келажакда ярашиб кетарсиз, аммо бировга айтган гапларингиз хотирада қолади.
- Рост сўзлашга ҳаракат қилинг. Фақат шундагина ёлғонларингизни эслаб қолишингизга тўғри келмайди.
- Ҳеч кимга, ҳеч нимада мажбур эмассиз. Ўз хоҳишингизга биноан яшанг.
- Инсонларни ҳурмат қилишни ўрганинг. Шунда улар ҳам сизга шу кўз билан қарашади.
- Сизга қадри бўлган инсонларнинг туғилган кунини эслаб қолинг. Бу саналар жуда муҳим.
- Ҳафтада бир марта ўзингиз ёқтирган одамлар билан, ёқтирган жойингизга бориб туринг.
- Қанчалик банд бўлманг, китоб ўқиш учун вақт топинг. Дунё эшикларини очувчи калит, бу – китобдир!

Зиё.уз.дан

“Кичкина” ТЕННИСНИНГ катта фойдаси



Бир дақиқада 120тагача зарба берилиши боис, стол теннисни инсонни чақонликка ва абжирликка ўргатади.

Ҳа, стол теннис – ёшу қари учун бирдек оммабол спорт тури. Бу ўйинни хушламайдиган киши йўқ. У бир томондан инсонга завқ бағишласа, иккинчидан, инсон саломатлигига фойдаси беқиёс.

Қозоғистонда стол теннисдан имконияти чекланганлар орасида 12 карра чемпион, спорт устаси Тўймурод Эшимовга: “Одам нима учун стол теннисини ўйнаб туриши керак? У бизга нима беради?”, деган саволлар билан мурожаат қилганимизда, у шундай жавоб берди:

– Бу спорт билан шуғулланган кишида, биринчи навбатда, кўриш қобилияти яхшиланади. Узоқни кўра олмайдиган, компьютер, смартфонда кўп ўтирадиган кишиларга стол теннис катта ёрдам беради. Чунки ўйин вақтида инсоннинг бутун диққат-эътибори фақат коптокда бўлгани боис, кўз қисқа масофа атрофида машқ олади. Шунинг учун стол теннис билан доимий шуғулланадиганлар орасида кўз шифокорига мурожаат қиладиганлар деярли учрамайди.

– Демак, теннис диққатни бир жойга жамлашда айни муддао экан-да?

– Албатта. Ҳозиржавобликда ҳам бу спортнинг аҳамияти катта. Масалан, аксарият боксчилар рақибига тезкор жавоб қайтаришни ўрганиш мақсадида стол теннис билан шуғулланади. Стол теннис нафас ва юрак-қон томир тизимлари фаолиятига ижобий таъсир кўрсатади. Бу ўйин оёқнинг болдир мускулларини мустаҳкамлайди. Бу эса велоспорт, конькида учиш, футбол, баскетбол, умуман оёқни кўп ишлатиш талаб этиладиган бошқа спорт турларида жуда асқотади.

Тўймурод Эшимов нафақат спортда, балки ҳаётнинг бошқа жабҳаларида фаол, меҳрибон, адолатли ва тиришқоқ инсондир. Масалан, қишлоқда ўтадиган ҳар қандай тadbирларда ўзининг беминнат хизматини аямайди. Тўй-маъракаларда мусиқа усқунаси билан ҳамқишлоқлари учун бепул хизмат кўрсатади. Йўл таъмирлаш, кўп болали ва кам таъминланган оилаларга ёрдам кўрсатиш каби кўплаб савобли ишларда бошқаларга ўрналган бўлиб келмоқда.

2019 йил Тўймурод Эшимов учун ёдда қоладиган А. Музрапов номли ўрта мактабда теннисчининг 50 йиллик юбилеи шарафига стол теннисидан халқаро турнир ўтди.

Унда Тароз, Алматы, Туркистон, Шимкент шаҳарлари, Қизилўрда вилояти ҳамда Ўзбекистон Республикасининг Тошкент ва Бухоро шаҳарларидан спорт усталари қатнашишди. Шунингдек, тadbирда Қозоғистонда хизмат кўрсатган бастакор Марат Умаров иштирок этиб, спортчини табриклаб, икки миллат дўстлиги асрлардан асрларга давом этишини айтди.

Тadbирда унинг йиллар давомида эришган ютуқларига тўхталган меҳмонлар Тўймурод Эшимов нафақат Қозоғистоннинг, балки ҳамюртлари, ҳамкасбларининг ҳам фахри эканлигини таъкидлашди. У йил сўнгида Қўстанай шаҳрида ўтган халқаро турнирда Россиядан келган кучли теннисчилар билан ўйинга тушиб, рақибини 3:0 ҳисобида доғда қолдирди ва биринчи ўринни эгаллаб, йилни самарали якунлади.

Тўймуроднинг ютуқларини эътиборга олган республика “Ынтымақ жолы” ижтимоий жамғармасининг расмий вакили Анормат Ўсмонов унга “Ҳстаз мэртебеси” медалини топширди.

Оилада етти нафар фарзандга меҳрибон ота, рафиқасининг суянган тоғи, дўстга содиқ, набираларнинг меҳрибон буваси Тўймурод Эшимовнинг хайрли ишларидан ҳамқишлоқлари ҳам миннатдор.

Абдуҷаббор АҲМЕДОВ, жамоатчи муҳбир.

● Спорт

ЁШ БОКСЧИЛАР ЮТУҒИ

Қизилўрда шаҳрида, қарийб бир ҳафта давомида 2003-2004 ва 2006-2007 йилларда туғилган ўғил болалар орасида боксдан таниқли спортчи Е. Нисанбаевнинг хотираси учун республика турнири ўтди.

Унда республикаимизнинг турли бурчакларидан келган 180дан ортиқ ёш “чарм кўлқоп” усталари иштирок этишди. Улар орасида рингга чиққан Сайрам даҳасидаги 12-сонли спорт мактабининг ёш боксчилари боксдан спорт устаси, 15 йиллик иш стажига эга устозлари Қамбар Нурсеитовни ва спорт ишқибозларининг ишончини оқлашди. Жумладан, Ернар Муметай 42 кг вазнда турнир ғолиби бўлса, Ерлан Ерқуатули (44кг) ва Мухамбет Серикбаев (69кг)лар ўз вазн тоифаларида фахрли иккинчи ўринни эгаллаб қайтишди.



ҒОЛИБЛАР АНИҚЛАНДИ

Шимкент шаҳар Енбекши туманидаги 124-сонли умумтаълим мактабида 2003-2004 ҳамда 2005-2006 йилларда туғилган ёш полвонлар иштирокида эркин курашдан шаҳар биринчилиги ўтди.

Унда Шимкент шаҳрида фаолият юритаётган спорт мактабларидан 180дан зиёд спортчи ўн та оғирлик вазнда мусобақалашиб, ғолиб ва совриндорлар аниқланди.

Танловдан мақсад – март ойида ўтадиган Қозоғистон биринчилигига муносиб ном-

зодларни аниқлаб олиш эди. Ёш полвонларимиз: Б. Сержанули, Д. Аманбай, С. Абдуматалов, Е. Ўралов, А. Ўразбек, А. Ўлжар, Р. Зейналов, А. Жумаханов, Е. Тастанбек, Ш. Маҳаммадшиқов, М. Абдуматалов, Т. Аманбай, Н. Собирали, Б.Турсунбай, М. Кумусбеков, Д. Маратули, Д. Жуманов, М. Қурлисбек, А. Қарабек, Ў. Ўсербайлар ўз вазн тоифаларида турнир ғолиблари бўлишди.


И. ТОЖИБОВ.

АҚЛ ВА ЗЕХНИНГЎЗНИ ЦАРХЛАНИ

- Фарқ ёшда эмас, ақлда.
● Сотқинликдан қочшининг энг яхши йўли – ҳеч кимга ишонмаслик.
● Энг қийин мактаб – бу ҳаёт мактаби. Нечанчи синфда ўқиётганингизни, қачон имтиҳон бўлишни ҳеч қачон билмайсан.
● Эшикни очиб, ўз уйинга кирганда, қадрдон уйнинг иси – қандай бахт.
● Уч нарасага риоя қиламиз – ўзимиз хурсанд бўламиз, бошқаларни хурсанд қиламиз ва ҳаётдан хурсанд бўламиз.
● Она бўлишлик – хурсандчилик келтирадиган энг қийин иш.
● Кечирини қийин эмас, яна қайта ишонини қийин.
● Қийинчилик – кучли инсонларни кучли қилади, заифларни эса янада жаҳлдор қилади.
● Ҳамма кўрган нарсаларингизга ишонаверманг, туз ҳам кўзингизга қанд бўлиб кўринади.
● Тилнинг софлиги, маъно аниқлиги, ўткирлиги учун кураш – маданият қуроли учун курашдир.
● Манманлик – бу илмсизликдир. Андишанинг оти – қўрқоқ.

ҲАМИША ҚАЛБИМИЗДАСИЗ, ОТАЖОН!

Аллоҳ сизни керак қилдими, Орамиздан юлиб кетдими? Барчамизнинг қалбимиз доғлаб Чин дунёга олиб кетдими? 2019 йилнинг 30 январь санаси бир умр қалбимизда муҳрланиб қолди.



Устоз деган буюк номга эга бўлган, отажоним, Меҳнат қилиб, маслаҳатини аямаган, отажоним. Неваралар даврасида хандон юриб, Қизиғин кўрмай ўтган, отажоним. Дастурхон ёзсак, ҳамisha ёнимиздасиз, Йиғин қилиб, йигилишсак, қалбимиздасиз. Илтижолар қилиб, сўраймиз Аллоҳдан, Жойларини ато этсин жаннатлардан.

Фарзандлари: МАКТУБА, ҚИЛОЛА, РУФАТ, ШОҲИСТА, келини БАРНО.

И вот настал тот момент, когда закончился год, который был трудным для нас. Этот год забрал у нас самого дорогого человека – нашего любимого дедушку, который всегда, и в трудные, и в веселые моменты был рядом с нами. Кажется, только вчера мы все сидели за одним столом, разговаривали, шутили, веселились, а сейчас его нет. Мы и сейчас проводим вместе время, веселимся, шутим, но только без него. Это были очень трудные времена. Сложно вспомнить об этом. Я знаю, и уверена, что он сейчас лежит на том месте, где он всегда лежал и смотрел телевизор, и смотрит на нас с улыбкой, он всегда рядом с нами, он нас видит, но мы этого не видим.

Дедушка, я знаю ты сейчас рядом с нами, ты слушаешь по нам. И я знаю что ничего уже не вернуть, но всегда помни, ты всегда в нашем сердце, мы очень скучаем по тебе. Но знаешь, рядом с нами самый дорогой человек твоя жена, наша бабушка и мама твоих детей. Она всегда рядом с нами. Дедушка, бабушка! Спасибо вам за маму и папу!

ЛУИЗА, внучка.

● Обуначиларимиз орасида

«Asia Brend» – Осиё бренди



НУР-СУЛТАНДА ЎТГАН КЎРГАЗМАДА УШБУ МЕБЕЛЬ ФАБРИКАСИ ЭНГ ЯХШИ МАҲСУЛОТ ИШЛАБ ЧИҚАРУВЧИ ФАБРИКА СИФАТИДА МУКОФОТЛАНДИ

Туркистон шаҳридаги Уйғун Абишев раҳбарлик қилаётган Asia Brend жиҳоз фабрикаси ўтган йилни муносиб ютуқлар билан якунлади. Нур-Султанда ўтган «Қозоғистоннинг энг яхши маҳсулоти» республика танловига йўлланма олиб, биринчи учликка кирди. ҚР «Атамекен» миллий тадбиркорлик палатаси раҳбари А. Мирзахметов имзолаган «Алғыс хат» ҳамда махсус мукофот билан тақдирланди.



«Asia Brend»нинг асосий шиори – сифат ҳамда қулайлик. Юздан зиёд маҳсулот турларини ишлаб чиқараётган ҳамда 64 нафар обуначимиз меҳнат қилаётган корхонага бош суқдик. Корхона раҳбари Уйғун Иброҳим ўғли ҳамда тажрибали ҳисобчи Убайдулла Умаров, раҳбар ўринбосари Ойбек Абишевлар билан бирга замонавий дастгоҳлар ўрнатилган, меҳнат қизгин бораётган цехларни ораладик. Етти йил муқаддам биринчи қадамни қўйиб, самарали фаолият бошлаган ушбу корхона мамлакатимизда мустақиллик йилларида бунёд этилган 1300дан зиёд ишлаб чиқариш корхонаси орасида пешқадамга айланди. – Чўрноқ қишлоқ округига қарашли Сувноқ қишлоғида тавваллуд топган Иброҳим ака ташкилотчилик ҳамда бошқарувчилик фазилатларини уйғунлаштириб, замонавий фабрика бунёд

эриша олган тадбиркор. У умр йўлдоши Диёра Қодиржон қизи билан Чарос, Темур, Фарангиз, Муҳаммадали исмли фарзандларни тарбиялашмоқда. Фабрикада Бахтиёр Мамажонов, Мақсуда Абишева, Дилмурод Тошметов, Жасур Абдезов, Жаҳонгир Аметов каби мутахассислар ўз меҳнатлари билан корхона ривожига кўшмоқда. Германия, Италия, Туркия, Хитойдан келтирилган мураккаб замонавий дастгоҳларда ишлаётган, компьютер дастури орқали

завқланишга нима етсин. Малакали ходимлар сафида Дилором Султонова ҳамда Гулнора Алимовалар ҳам корхона шўхратига шўхрат қўшмоқдалар. Ходимлар учун барча шароитлар муҳайё қилинган. Фабрика тасвири туширилган махсус иш кийимлари уларга яратиб турарди. Ишчилар моҳир ошпазлар Клара Исоқова ва Ирода Турдиниёзова тайёрлаган мазали таомларни мақташди. Айтмоқчи, овқатланиш корхона ҳисобидан экан. Ҳаётимиз кескин

ларини етказиб бераётган «Asia Brend» фабрикаси маҳсулотларининг нархи билан қизиқдим. Харидорлар имкониятига ҳисобга олиниб, ёш оилалар учун жиҳозлар тўплами 100 минг тенгедан 300 минг тенгегача бўлган баҳода сотилар экан. Харидорларга мебелларини уйларига етказиб бериш ва ўрнатиш фабрика ҳисобидан амалга оширилиши эса қўшимча қулайликдир. Бу ерда ишлаб чиқарилган сифатли, қулай ва



этанг ўғли Уйғун билан жуда фахрланади. Янги корхона қуриб, янги иш ўринларини яратган ҳамда республикада энг яхши маҳсулот ишлаб чиқарувчи даражасига эришган бу инсонга каттаю кичик ҳурмат-иззат билан «Отанга балли!» деганида Иброҳим аканинг юраги олам-олам қувончларга тўлиб, Яратган Эгамга шукроналар айтади.

1982 йили таваллуд топган, Шимкентдаги М. Ўтебаев номли коллежда иқтисодчи-ҳисобчи ихтисосини эгаллаган У. Абишев ёш бўлса ҳам эзгу ишларга бош бўлиб янги иш ўринларини яратиб, мамлакат маҳсулотини ишлаб чиқариш борасида салмоқли ютуқларга

мураккаб ускуналарни бошқараётган билимли ва заковатли ёшларни кўрдим, Иқбол Омонқулов, Дониёр Қорабоев, Ғайрат Султонов, Шўхрат Ибошев, Ботир Кўкенов, Рўзимат Ибрагимов, Носир Султонов, Ҳасан Азизхўжаев, Мақсуд Тўёнов, Элдор Ҳайитметов, Пардабой Қўрғонбоев каби ҳамшаҳарларимиз ишда доимо пешқадам. Дастгоҳлар ёнида Акмал Эсжонов, Шерзод Бўбешов, Шерзод Аҳатов, Рўзбой Абдумажидов, Абдураззоқ Абдалимовлар билан суҳбатлашдим. Барчаси ўзининг илмидан фахрланадиган йигитлар. Бунёдкорлик меҳнатиндан, кўпчиликка зарур сифатли маҳсулот ишлаб чиқараётганидан

ўзгариб, турмушимиз фаровонлашмоқда. Демак – сифатли жиҳозлар бозори чаққон ва харидоргир бўлади. Фабрикада маҳсулот таннархини пасайтириш, шунинг эвазига қисмлар сотиладиган нарх жиҳозларни анча арзонлаштиришга эришилганлиги фабрика маъмуриятининг ўзига хос ютуғидир. Фабрика раҳбари Уйғун Иброҳим ўғли аслида кам гапириб, кўп ишлашни, тартиб-интизомни, янгиликка интилиш ва камтарликни маъқул кўради. Туркистон шаҳри ва вилоятдан бошқа ҳудудлар – Алмати, Нур-Султан, Кўкшөтов, Қизилўрда, Шимкент, Ақтўбе, Ақтов, Урал каби йирик шаҳарларга сифатли маҳсулот-

бетакрор жиҳозларни харид қилиш учун куйидаги телефонларга кўнғироқ қилишингиз мумкин: 8-775-440-40-41, 8-705-356-46-48.

Янги йилда яхши янгиликлар барчамизга ҳамроҳ бўлсин.

Ш. МАДАЛИЕВ.

Суратларда: Asia Brend фабрикаси раҳбари Уйғун Абишев; юксак мукофот; фабрика бошқаруви ходимлари; корхона жамоаси замонавий дастгоҳларда ишламоқда. Корхона жамоаси иш жараёни устида.

Муаллиф тасвирлари.

Директор - Бош муҳаррир — Алишер Ғофуржон ўғли СОТВОЛДИЕВ.

Бош муҳаррир

ўринбосарлари:

Муроджон АБУБАКИРОВ.

Ислом АБДУНАБИЕВ.

Масъул котиб –

Авазхон БҮРОНБОЕВ.

Бўлимлар:

Умумий бўлим — Мухтабар УСМОНОВА.

Адабиёт ва санъат, спорт — Хуршид ҚҶЧҚОРОВ.

Обуна, реклама ва эълонлар — Зокиржон МҶМИНЖОНОВ.

Махсус мухбирлар:

Туркистон, Кентов — Шомирза МАДАЛИЕВ. 8(72533) 2-40-07.

Тўлебий, Қазигурт — Баҳорой ДҶСМАТОВА. 8(72547) 6-07-16.

Сайрам, Тулкибош — Ислом НИЁЗАЛИЕВ. 8(72531) 24-274.

Муассис – Туркистон вилояти ҳокимлиги.

Мулк эгаси – “Жанубий Қозоғистон” вилоят ижтимоий-сиёсий газетаси таҳририяти” масъулияти чекланган биродарлиги.

● Мақолалар, эълон ва билдирувлардаги факт ҳамда далилларнинг тўрилиги учун муаллифлар, реклама ва эълон берувчилар масъулдир.
● Фойдаланилмаган мақолаларга эзма жавоб қайтарилмайди.
● Туркистон вилоятида тарқатилмайди.

МАНЗИЛИМИЗ: 160000, Шимкент шаҳри, Диваев кўчаси, 4-уй, 4-қават. Телефон: 53-93-17. Телефакс: 53-92-79. Бухгалтерия: 39-16-44. +7-747-701-50-55

Электрон почта: janubiy@inbox.ru

Газета ҚР Маданият ва ахборот вазирлиги томонидан 2012 й. 26 мартда рўйхатга олинди, 12357-Г гувоҳнома берилган.

Нашр кўрсаткичи – 65466. Адади – 12600 нуска.

“ERNUR-print” МЧБ босмахонасида чоп этилди, Шимкент шаҳри, Т. Алимқулов кўчаси, 22.

Буорлма: 172.

Навбатчи муҳаррир: Шахлоза УСМОНОВА.